

23. septembari 2024

UKA2024/14

**Uunga siunnersuut: Akileraaruserinermik ingerlatsineq pillugu Inatsisartut inatsisaata
allangortinnissaa pillugu Inatsisartut inatsisaat**

(Aningaasaqarnermut Akileraartarnermullu Naalakkersuisoq)

Siullermik Siumumiik Naalakkersuisut qutsavingerusuppagut akileraartarnermi inatsit sukateriffilermassuk sulisunik attartortitsisarneq pillugu inatsisissamik siunnersuutaannut.

Inatsit pingaaruteqarpoq, tassami inatsisinik unioqquitsinnginnissamut tunngaveqarpoq, eqqortumillu nunanik allaniik sulisunik attartortitsisartut aammalu aattartortunut nalimmassakkammik aaqqiissutissaqarami.

Siumumiik pingaaruteqarpoq nunatsinni sulisartut illersortuassallugit. Kisianni ilaannikkut annertuumik suliasaartoqartillu sulisunik attartorsinnaaneq suliffinniik pisariaqartinneqalertarpoq. Nunatsinni sulisartut illersussangaanni, tassami killeqanngittumik attartuinnarnissaq killilersimaassangaanni aammalumi nunatsinni sulisartut nalikinnerusumik inississanngippata, akileraartarnikkut pitsaasumik, sukannersumik aammalu orninginannginnerusumik akileraartarnikkut aaqqiisariaqarpugut.

Siumumiik isumaqarput akileraartisigut ajornanngittumik aaqqiisarnissaq, uanilu aamma taamaaliornissamut periarfissat qulaarjartariallit taakkartorusuppagut.

Sulisartut tamakkiisumik, killilimmillu akileraartartut assigiinngittunik ajunngittorsiassaqartarput, soorlu ilanngaait allallu. Tamakkua sulisunut attartukkanut atuuttariaqarpat?

Akileraartarnermut ajornanngillisaassagutta, periarfissat makkua Siumumiik ataatsimiisitaliami eqqartorneqarnissaat innersuutingerusupparput:

- Akileraarut aaliangersimasumik %- ilik, taassumallu qaffasissusaata nalimmassarneqarnissaa, sulisut attartukkat ilanngaateqarsinnaaneritut killeqassappata.
- Inuiaqatigiinni, pingaarnertut nunatsinni sulisartunut pitsaanagerusumik inissiisoqannginnissaa qulakkeerneqassaaq, tassami social dumping pinngitsoortittariaqarparput.
- Akileraarutip aaqqiissutip unammilleqatigiinneq equngasoq pilersissanngilaa, tamatigut Nunatsinni sulisartut suliffeqarfiillu illersortariaqarpagut.
- Akileraartarnermi ingerlatsiveqarfiup aamma ajornanngittumik suliasaq suliarisinnaasariaqarpaa, allaffissorneq minnerpaaffianiitsikkumallugu.



- Minnerungittumik aamma atuisut ajornangittumik nalunaarsuisinnaanerit IT aqquingalugu qulakkeerneqartariaqarpoq.

Siumumiik aamma pingaaruteqarsoraarput atuisut pitsaasumik aammalu sukumiisumik paasititsiivigineqarnissaat. Allaffissornikkullu qanoq iliornissaannik ilitsersuummik Naalakkersuisut qulakkiisariaqartut.

Siumumiik taamatut oqaaseqarluta Aningaasanut Akileraartarnermullu ataatsimiisitaliamut suliaassanngorlugu ingerlateqqipparput.

Qujanaq.

Kuno Fencker, Siumut